



In mercui ai 09 de Má é gnü sughé le recupero dl cuinta partida dl ritorno dl campionat 2011/2012 de 3° categoria por La Val. La partida é gnüda sugada te ciasa cuntra la squadra da Mühlwald.

La Val á indô mustrè en iade sciöche an süga a calcio!!!!

Por düta la partida ai dominé zënza che le Mühlwald fos stá prigorusc, davagna 9 a 2. La Val se á portè atira in vantaje por 4 a 0, stlujon jö le prüm tēmp. Tl secundo tēmp é le Mühlwald che fesc en gol, sön na punizione é le portier da La Val nia bun da se apié dērt la pala che va insciö spo te porta. Ala fin dla partida el cíamò en atacant dl Mühlwald che se porta cuntra le portier, cun en bel tiro angolè fejel gol (al foss stè de pasa 2 metri te fuorigioco).

Mo ruvun zoruch ai düc i goi dla squadra da La Val:

1. Sön na bela comibinaziun de prüma tra i dui centrocampisc el spo Freddy che fesc en bel passaggio de prüma por Alex, che röia insciö dan le portier. Cun en bel gol sura le portier ite portel in vantaje La Val.
2. Sön na bela aziun dlungia la fascia jö, el Rubatscher Romeo che ó passè ite a mez en cross, mo fora dl cross vëgnel en bel tiro che vá sura le portir ite y röia dlungia le palo lunch.
3. Freddy ti da en passaggio de or (che infiltrëia düta la difesa) a Daniel Frenes, che é insciö su dan le portier, cun en bel tiro dlungia le palo ite fejel gol.
4. Freddy ti da indô en pel passaggio in profundité a Romeo sön la fascia, che pasa spo ite a Florian che fesc en bel de prüma te porta.
5. Tl secundo tēmp el spo Alex che fesc en gran gol, al ó fa en cros jö tl piz dl campo, mo

le tiro de esterno röia bel avisa tl incrocio sön le prüm palo.

6. Indô Alex che fesc en bel dribbling spo röiel jö tl piz dla picia area, fesc finta da passè ite a mez, cun en gran tiro de potënza sön le palo cürt fejel insciö le 6 a 1 por La Val.

7. Florian che va in velocitè jö por la fascia, se acentrëia ite cuntra porta. Cun en gran tiro de potënza sura le ce dl portier ite fejel gol.

8. Indô Alex che fesc so 4. gol. En bel passaggio de Florian röia sön i pêsc de Alex, cun en pû de fortuna (rimpallo) röiel jö sön le fondo, cun na picia spizurada el bun da apogé le pal te porta.

9. Le prüm gol dl jon **Egon Frenes** te 3. categoria. Daniel Frenes röia jö sön la fascia y pasa ite a mez. Egon röia in velocitè sön le pal y cun en bel sinistro de prüma mêtel la pala sön le palo lunch, degüna chance por le portier da ruvé sön la pala. En bel gol de Egon che al se mirita. Ince sce al ne á nia podü sughé tröp cina sègn al mustrè da ester pronto canche le alenatore le cherda!!!!!!

La partida se stlüsç jö insciö sön le 9 a 2 por La Val, na gran prestaziun de düc i sogadusc... che é dër importante por le ritorno de Copa cuntra Aicha proscimo mercui a La Val.

Cun chisc trëi punç porta a ciasa se porta La Val al 8. post.

□

La formaziun titolara: Kantioler Sepl, Castlunger Marco, Tavella Jordan, Tavella Thomas, Tschaffert Ivan, Frenes Daniel, Sottara Stefan, Sottara Freddy, Rubatscher Romeo, Rubatscher Florian y Elzenbaumer Alex.

□

Sostituziuns:

Verginer Franzì por Sottara Freddy

Miribung Adrian por Rubatscher Florian

Frenes Egon por Elzenabaumer Alex

Por udèi i atri resultač drüca (ince di atri campionač ulache sogadusc da La Val süga para) drüca: [resultač](#)